

卷六

書名 春秋穀梁註疏二十卷 (十三經註疏所收)
 撰者 晉 范甯 集解, 唐 陸德明 音義, 唐 楊士勛
 疏
 卷 卷六
 內容分類 經-春秋-春秋穀梁-唐
 索書號 貴重-1
 編號 A 329500

彩色首頁1

東洋文化研究所漢籍目錄 編號: A 329500

東洋文化研究所漢籍目錄所藏漢籍善本全文影像資料庫 索書號: 貴重-1

漢籍善本全文影像資料庫文本春秋穀梁註疏二十卷 (十三經註疏所收)

版權所有: 東京大學 東洋文化研究所

使用上的注意事項

春秋穀梁註疏隱公卷第一

起元年
盡三年

晉范甯集解

唐楊士勛疏

春秋穀梁傳隱公第一

疏

春秋至第一○釋曰春秋者此書之大名傳之解經

條即釋故冠大各於上也名曰春秋者以史官
 年記事年有四時之序春先於夏秋先於冬故
 春秋二字以包之賈逵云取法陰陽之中知不
 者以孝經云春秋祭祀以時思之豈是取法陰
 之中故知非也玉藻云動則左史書之言則右
 書之左史所書春秋是也右史所書尚書是也
 春秋立名必是仲尼以往三代以來不審誰立
 春秋所脩謂之經經者常也聖人大典可常
 用故謂之經穀梁所脩謂之傳傳魯世家隱公名
 直取傳示於人而已故謂之傳魯世家隱公名

春秋穀梁傳隱公卷第一

東京大学東洋文化研究所

3038

0 1 2 3 4 5 6 7 8 9 5

不 許 複 製

NOT TO BE REPRODUCED

東京大学東洋文化研究所





春秋穀梁註疏莊公卷第六

十九年至三十二年盡閔二年

晉范甯集解

唐楊士勛疏

十有九年春王正月

○傳本或分此以下為莊公與閔公同卷

夏四月

秋公子結媵陳人之婦于鄆遂及齊侯宋公盟傳媵淺

事也不志此其志何也辟要盟也註魯實使公子結

要二國之盟欲自託於大國未審得盟與不故以媵

婦為名得盟則盟不則止此行有辭也

○媵以證反又繩證反爾

雅云送也要○釋曰文十六年季孫於進反注同**疏**行父會齊侯于陽穀齊侯弗及盟此若齊宋不許亦當云弗及盟而云辟要盟也者彼以行父失辭又無滕事故云弗及盟此有滕事若齊宋不許則直書滕事而已故云辟要盟也

何以見其辟要盟也滕禮之輕者也盟國之重也以輕事遂乎國重無說註以輕遂

重無他異說故知辟要盟耳○見賢編反其曰陳人之婦

略之也註但為遂事假錄滕事耳故略言陳人之婦

不處其主名○為干偽反**疏**但為至主名○釋曰假錄滕事者滕是小事不合書經

今既書之故云假非謂無滕事也不處其主名者謂不言陳侯夫人而云陳人之婦是不處其主名也

其不日數渝惡之也○數音朔**疏**數渝惡之也○釋曰數疾也謂疾

共盟冬而見伐變盟之疾故不書日以惡之也○為數為今冬伐我西鄙明年齊又伐我故云數也亦通

夫人姜氏如莒傳婦人既嫁不踰竟踰竟非正也疏不

踰竟○釋曰重發傳者嫌此適異國恐別故發傳以同之

冬齊人宋人陳人伐我西鄙傳其曰鄙遠之也其遠何

也不以難爾我國也○難乃旦反爾如字本又作介音界

二十年春王二月夫人姜氏如莒註夫人比年如莒過

而不改無禮尤甚故謹而月之○莒音舉**傳**婦人既嫁不

踰竟踰竟非正也○竟音境**疏**不踰竟○釋曰重發傳者比再如莒失禮之甚故

詳之

夏齊大災傳其志以甚也註外災不志甚謂災及人也

外災例時疏其志以甚也○釋曰范例云災有十

內則書日新宮郵稟之類是也其外則時者則宋大

水齊大災之等是也昭十八年不書時以四國同日

故也其外災志者皆發傳故十一年宋大水傳曰王

者之後也襄九年宋災嫌火與水異傳曰故宋也宣

十六年成周宣榭災傳曰以樂器所藏目之也此書

齊大災傳曰其志以甚也昭十八年宋衛陳鄭災傳

曰其志以同日也其九年陳

火傳曰閔陳而存之也是也

秋七月

齊人伐我

二十有一年春王正月

夏五月辛酉鄭伯突卒

秋七月戊戌夫人姜氏薨傳婦人弗目也註鄭嗣曰弗

目謂不目言其地也婦人無外事居有常所故薨不

書地僖元年傳曰夫人薨不地此言弗目蓋互辭爾

定九年得寶玉大弓傳曰弗目羞也蓋此類也江熙

曰文姜有弑公之逆而弗目其罪弗目謂不題目文

姜薨所也一曰弗目其罪疏婦人弗目也○釋曰

不地之例此復發傳者嫌有罪去地故發之也不曰

夫人而言婦人者以文姜失夫人之道故經書薨傳

以婦入言之或是經無變文蓋傳通言之無異意也
○釋曰弗自其罪○釋曰江熙云不自其罪者謂稱夫
人薨與常例
不異是也

冬十有二月葬鄭厲公

二十有二年春王正月肆大眚傳肆失也眚災也易

稱赦過宥罪書稱眚災肆赦經稱肆大眚皆放赦罪

入蕩滌衆故有時而用之非經國之常制○肆音四

宥音又○易稱云云○釋曰肆失也眚災也言肆

滌音狄○大眚者謂放失大罪惡災猶罪惡也言放

失大罪惡明小惡亦赦之也易稱赦過宥罪者解卦

辭也象曰雷雨作君子以赦過宥罪解卦坎下震

上震爲雷坎爲雨雷動而下而萬物解散故君子以

此卦象而放赦罪人書稱眚災肆赦○舜典文孔安國

云眚過災害肆緩也過而有害當緩赦之此傳云肆

失也則亦緩之類以經稱肆大眚以眚爲災也尚

書皆災連文故孔氏以眚爲過身大意亦不異也○

注蕩滌衆故○釋曰傳爲嫌天子之葬也者二事相

須注以肆大眚不可特爲夫人故云蕩滌衆故傳意

原魯所以肆大眚者爲嫌天子之葬也故注與傳兩

言災紀也失故也○災謂罪惡紀治理也有罪當治

理之今失之者以文姜之故爲嫌天子之葬也○文

姜罪應誅絕誅絕之罪不葬若不赦除衆惡而書葬

者嫌天子許之明須赦而後得葬○爲于

癸丑葬我小君文姜傳小君非君也○不治其民其曰

君何也以其爲公配可以言小君也

陳人殺其公子禦寇禦寇宣公之子又作御傳言

公子而不言大夫公子未命為大夫也其曰公子何

也公子之重視大夫視此命以執公子大夫既

命得執公子之禮一本大夫命以視公子

夏五月以五月首時甯所未詳夏五月釋曰

讐女不可以事先祖猶五月不宜以首時杜預云莊

公獨稱夏五月者疑謬設也范以二者皆無憑故云

秋七月丙申及齊高傒盟于防傳不言公高傒伉也

書日則公盟也高傒驕伉與公敵體耻之故不書

○傒音奚伉苦浪反及宋人盟于宿是也此既書日明公在

可知知非卿者若卿則與高傒敵何以直言及故知

非卿也公及莒人盟于包來言公者彼稱人是舉國

之辭故可以言公此若云公及高傒則高傒得敵公

故不言公也公會楚公子嬰齊不沒公者彼以前驕

伉後服罪故不去公以見別意也

冬公如齊納幣傳納幣大夫之事也禮有納采采擇

女之德性也其禮用鴈為贄者取順陰陽往來音至

有問名問女名而卜之知吉凶也其禮如納采有

納徵徵成也納幣以成婚有納徵釋曰此

而云納徵者以士婚禮有納徵有告期告迎期

魚敬四者備釋曰士婚禮下達之後

反禮此傳不云納吉者直舉四者足納徵請期親迎六

納吉不言之或以為諸侯與士禮異者非也而後

娶禮也公之親納幣非禮也釋曰納幣非禮是議喪

娶而注云傳無議文者傳上云公之親納幣非禮不

云喪娶之事故云無議文也然宣元年貶夫人去喪

此則全無議者彼以夫人不能以禮自固故與有

仍未是貶公之事故彼注云不議喪娶者不待貶絕

而罪惡自故譏之公母喪未再葺而圖婚傳無議

見是也公母喪未再葺而圖婚傳無議

文但譏親納幣者喪婚不待貶絕而罪惡見偏反見賢

二十有三年春公至自齊七年傳云相會不致此與

下文觀社皆書公至自齊者公年傳云相會不致此與

何以致危之也徐說亦云不以禮行故致以見危范

此雖無注下去公怠棄國政比行犯禮憂危甚矣

亦以二者為憂危致之也若然定八年傳稱致月危

致也下傳云致月有懼焉爾此若致以見危所以不

月者以二者皆非禮而行不假書月危懼可知傳以

非禮之行與好會異故致之非是見危理亦通也

祭叔來聘

祭叔天子冢內諸侯叔名音縣又音環

祭叔來聘釋曰范云祭叔天子冢內諸侯叔

名則范意將此祭叔與隱元年祭伯同是畿內諸

侯而此云來聘彼傳責其不稱朝者祭伯者祭國伯

爵也冢內諸侯時不為王之卿大夫欲外交鄰好而

來通魯以其無王命故不得言聘不仕王朝故得責

其不稱朝也今祭叔見是天子大夫而恣意任情欲

外接諸侯雖請王命非王本心故不稱使見其擅命

言聘表其請王猶左氏公子翬強請故得書經而去

其族也案隱元年注云祭伯畿內大夫有采地者既

有采地則似祭伯亦仕王朝者以祭伯本為入仕王

朝故畿內授地今雖不仕亦得以大夫言之或以為祭叔亦無王命以是天子大夫假王命而來魯受其聘故得書聘以本非王命故不稱使也祭伯雖是天子卿大夫欲同諸侯之例而來朝魯以下奉王命故不得稱聘寰內諸侯不合外交故亦不得云朝是亦得通一家也徐邈云祭叔為祭公使則徐意以祭叔為祭之夫夫也范以叔為名似同

天子之內臣也不正其外交故不與使也何休曰

南季宰渠伯糾家父宰周公來聘皆稱使獨于此奪之何也鄭君釋之曰諸稱使者是奉王命其人無自來之意今祭叔不一心於王而欲外交不得王命來故去使以見之○去起呂反見賢編反

公如齊觀社傳常事曰視傳視朔是也非常曰觀傳

傳非常曰觀。釋曰復發傳以者嫌觀魚觀社異故發之也春秋之例常事不書視朔既書而范云常事謂視朔者視朔之禮實是常事但公廢之即為非常故書之

觀無事之辭也註言無朝會之事○朝直遙反下同以是為尸女也註尸主也主為

女往爾以觀社為辭○主為于偽反無事不出竟

公至自齊傳公如註陳公行例往時正也註正謂無危

懼也皆放此致月故也如往月致月有懼焉爾

荆人來聘傳善累而後進之其曰人何也舉道不待再

註明聘問之禮朝宗之道非夷狄之所能故一舉而

進之疏傳善累云云。釋曰不言楚人而云荆人者大褒故直舉州稱人言聘以進之。

公及齊侯遇于穀傳及者內為志焉爾疏爾。釋曰重

發傳者公為淫如齊。遇者志相得也。

蕭叔朝公疏蕭叔朝公。釋曰書名者附庸常例儼

之則叔名也重發傳者嫌名字異故也。微國之君未爵命者其不言來

於外也註言於穀朝公也朝於廟正也於外非正也

秋丹相宮楹註楹柱傳禮天子諸侯黝聖註黝聖黑色

○黝於斜反又於柳反注同聖烏路反又疏黑也。聖疏黑也。聖疏黑也。聖疏黑也。

釋曰徐邈云黝黑柱也聖白壁也謂白壁而黑柱余范同以黝聖為黑色者以此傳為丹楹而發何得有壁事而在其間大夫倉士黈註黈黃色○黈他苟反

云張斗反丹楹非禮也

冬十有一月曹伯射姑卒○射音亦

十有二月甲寅公會齊侯盟于扈註相盟不日此盟日

者前公如齊觀社傳曰觀無事之辭以是為尸女也

公怠棄國政此行犯禮憂危甚矣霸主降心親與之

盟實有弘濟之功而魯得免於罪臣子所慶莫重於

此時事所重文亦宜詳故特謹日以著之○扈音戶疏相

盟至著之。○釋曰公羊傳云相盟不日此何以日危之也。今范知喜得霸主與盟故詳而日之者傳雖有相盟不日信之文亦有不日數偷惡之事又葵丘以極矣齊桓而書日故知此間書日喜霸者與盟也。此時齊桓威德既盛與公結盟實有弘濟之功何得為有危事故范以臣子所慶文亦宜詳也。

二十有四年春王三月刻桓宮楹傳禮天子之楹斲之

斲之加密石焉註以細石磨之也。○刻音克楹音角棟也。方曰楹圓曰椽斲

丁角反削也斲諸侯之楹斲之大夫斲之士斲

本刻楹非正也夫人所以崇宗廟也取非禮與非正

而加之於宗廟以飾夫人非正也註非禮謂娶雙女

非正謂刻楹丹楹也本非宗廟之宜故曰加言將親

迎欲為夫人飾又非正也註○迎魚敬疏又非正也

女刻楹兩事俱非故曰又也或以為又者弁謂崇飾

夫人理亦通也所以不直言非禮云又非正者見莊

有二種之惡故非刻桓宮楹斥言桓宮以

禮非正兩舉之也註惡莊也註不言新宮而謂之桓宮以桓見殺於齊而

飾其宗廟以榮讐國之女惡莊不子註○惡鳥路疏不

言新宮。○釋曰新宮宣公之宮以是稱宮不忍斥之

故謂之新宮合惡莊公不子故斥言桓宮以見非正

葬曹莊公

夏公如齊逆女傳親迎恒事也不志註○疏親迎至不志

釋曰文四年

傳云其不言公何也非成禮於齊也似不成禮於齊
卽合志而此云常事不志者彼亦是非禮而書就書
之中更自別見言逆婦既書於經所以不
云公者爲成禮於齊故變文與莊公異也 **此其志何**
也不正其親迎於齊也

秋公至自齊傳迎者行見諸舍見諸 **諸**之也言瞻望

夫人乘車 ○乘繩 **先至非正也**

八月丁丑夫人姜氏入 **傳**入者內弗受也 **疏** **傳**

者內弗受也○釋曰重發傳 **日入惡入者也何用不**

受也以宗廟弗受也其以宗廟弗受何也娶仇人子

弟以薦舍於前其義不可受也 **傳**薦進舍置 ○惡入爲

大夫宗婦覲用幣 **傳**宗婦同宗大夫之婦

○覲用徒 **疏** **傳**覲用幣 ○釋曰舊解不言見而言覲

歷反見也 **疏** **傳**覲者私事大夫公然行之故言覲以明

其私也見者正也故會于沙隨云不見公傳曰可以

見公而不見譏在諸侯也是覲與見別也今以爲不

然者三傳之文並不云覲見事別何得言私爲 **傳** **覲**

覲正爲見乎恐別有案據遂存之以示疑耳 **傳** **覲**

見也禮大夫不見夫人 **疏** **傳**大夫不見夫人 ○釋曰

之贅者更釋用幣非禮之意也言男子之贅爲 **不言**

鴈之等婦人之贅棗栗之類欲見俱不得用幣 **及不正其行婦道故列數之也男子之贅爲鴈雉**

也下大夫用鴈取其知時飛翔有行列也士冬用雉

夏用膳取其耿介交有時別有倫也膳腊也雉必用

死為其不可生服也夏用膳備腐臭也○數色主反膳其居反腊

也乾雉也士夏執之備腐臭也說文云北方謂鳥腊曰腊傳曰堯腊舜始腊別彼列反為其于偽反腐符

甫婦人之贄棗栗鍛脩○棗取其早自矜莊栗取其

敬粟鍛脩取斷斷自脩整○鍛丁亂反脯也鍛而加薑桂曰脩脩飾本或作勅

同耻力反一本作飾申職反或作整音征領反用幣非禮也○用者不宜用者

也大夫國體也○國體謂為君股肱肱古弘反而行

婦道惡之故謹而日之也○惡鳥路反

大水

我侵曹曹羈出奔陳○曹羈出奔陳○釋曰公處

從而去之也杜預注左傳以為羈是曹大夫三諫不

歸于曹郭公○赤歸于曹郭公○釋曰薄氏駁云

謂之奔何以詭例言歸乎徐乾又云不言郭公疑是

魯之微者若是微者則例所不書何得以微者為譬

二事俱滯而范從之者凡諸侯出奔其國者或為人

不被迫逐往曹事等如歸故以易辭言之不得云出

奔也凡內大夫未得命者例但書名若使赤直名而

無所繫則文同俠等故又云郭公○傳赤蓋郭公也何

也徐乾之說理通故范引而從之○傳赤蓋郭公也何

為名也禮諸侯無外歸之義外歸非正也○徐乾曰



君為社稷之主承宗廟之重不能安之而外歸他國

故但書名以罪而懲之不直言赤復云郭公者恐不

知赤者是誰將若魯之微者故也以郭公著上者則

是諸侯失國之例是無以見微之義○羈居宜反郭公左氏如字公

羊音號舍音捨懲直升反復扶又反著張慮反又張畧反見賢編反

二十有五年春陳侯使女叔來聘○女氏叔字音汝**傳**

其不名何也○據成三年二管侯使荀庚來聘稱名天子之命大夫也**疏**

天子之命大夫也。釋曰言命大夫即單伯之等故知叔是字

祭仲無文釋故知仲是名也

五月癸丑衛侯朔卒○惠公也犯逆失德故不書葬**傳**

六月辛未朔日有食之鼓用牲于社○言日言朔食正**傳**

朔也鼓禮也用牲非禮也天子救日置五麾陳五兵

五鼓○麾旌幡也五兵矛戟鉞楯弓矢**傳**

亡侯反鉞音越楯時準反又音允諸侯置三麾陳三鼓三兵大夫擊

門士擊柝言充其陽也○凡有聲皆陽事以壓陰氣**傳**

柝兩木相擊充實也○柝吐洛反壓於甲反又於涉反**傳**

曰案范三十年注云按日用牲既失之矣非正陽之月而又伐鼓亦非禮今伐鼓於建巳之月故曰禮也

用牲非常故云非禮也五麾者麋信云各以方色之旌置之五處也五兵者徐邈云矛在東戟在南鉞在

西楮在北弓矢在中央麋信與范數五兵與之同是相傳說也五鼓者麋信徐邈並云東方青鼓南方赤鼓西方白鼓北方黑鼓中央黃鼓案五兵有五種未審五鼓是一鼓有五種為當五種之鼓也何者周禮有六鼓雷鼓靈鼓路鼓鼗鼓磬鼓晉鼓之等若以為五種之鼓則不知六鼓之內竟取何鼓又周禮云雷鼓為神祀則似救日之鼓用雷鼓但此用之於社周禮又云靈鼓鼓社稷祭則又似救日食之鼓用靈鼓進退有疑不敢是正故直述之而已檢麋徐兩家之說則以五鼓者非六鼓之類別用方色鼓而已諸侯三者則云降殺以兩去黑黃二色是非六鼓之類也下云大夫擊門士擊柝則此陳五鼓亦擊之也但擊之時陳列於社之墜域因五兵五麾是陳故亦以陳言之非謂直陳而不擊也

伯姬歸于杞傳其不言逆何也逆之道微疏傳逆之道微釋曰

重發傳者紀伯姬釋不稱使之無足道焉爾微此解不言逆之微故別發傳

秋大水鼓用牲于社于門註門國門也傳高下有水災

曰大水既戒鼓而駭衆用牲可以已矣救日以鼓兵

救水以鼓衆疏用牲之高下云云釋曰重發之者此有

鼓駭衆者謂既警戒擊鼓而駭動衆人則用牲可以已矣知不合用牲者用者不宜用故知不合也又云救日以鼓兵者謂擊鼓聚衆也皆所以發陽也

冬公子友如陳

二十有六年春公伐戎

夏公至自伐戎

曹殺其大夫傳言大夫而不稱名姓無命大夫也無命

大夫而曰大夫賢也為曹羈崇也註徐邈曰于時微

國衰陵不能及禮其大夫降班失位下同於士故畧

稱人而傳謂之無命大夫也莒慶莒挾邾庶其邾快

皆特以事書非實能貴故畧名而已楚雖荆蠻漸自

通於諸夏故莊二十三年書荆人來聘文九年又褒

而書各國轉彊大書之益詳然當僖公文公之世楚

猶未能自同于列國故得臣及叔並畧名惟屈完來

會諸侯以殊禮成之楚莊王之興為江漢盟主與諸

夏之君權行抗禮其勢彊于當年而事交於內外故

春秋書之遂從中國之例夫政俗隆替存乎其人三

后之姓日失其序而諸國乘間與之代興因詳畧之

文則可以見時事之實矣秦爵伯也上據西周班列

中夏故得稱師有大夫其大夫當名氏而文十二年

秦術畧名蓋于時晉主魯盟而秦方敵晉則魯之于

秦情好疏矣禮以飾情情疏則禮畧春秋所以畧文

乎又吳札不書氏以成尊于上也宋之盟叔孫豹不

書氏以著其能恭此皆因事而為義○為曹于偽反挾女居反又女

加反快苦夫反諸夏戶雅反疏傳為曹羈崇也○釋
下同屈居勿反情好呼報反曰薄氏駁曰曹羈出
奔經無歸處曹自殺大夫何以知是羈也又云術之
名為晉賤秦然楚亦敵晉何以不略而賤之又此注
雖多未足通崇之義徒引證據何益於此哉范答之
曰羈曹之賢大夫也曹伯不用其言乃使出奔他國
終於受戮故君子愍之書殺其大夫即是崇賢抑不
肖之義也案大夫出奔或書出不書入秦后子是也
或書入不書出蔡季是也史有闕漏非是一般何得
以無歸之文則怪其非羈也秦以交疏之故而略其
臣楚與諸夏會同所以不畧也是范氏論崇曹羈之
事也曹羈三諫不從者是公羊之說也○徐邈至
為義○釋曰莒慶莒挈邾庶其邾快皆特以事書者
謂莒慶來逆女莒挈為魯所獲庶其邾快來奔於魯
故書以著罪是皆以事書之非能貴也秦稱師者僖
二十八年城濮之戰是也亦既稱師明當有大夫而
秦術無氏故知春秋所畧也又云吳札不書氏以成
尊於上者襄二十九年傳文謂進吳稱子許夷狄者

不壹而足不可復進其臣不書季札之氏所以成
於上也叔孫豹不書氏以著其恭者襄二十七年傳
文彼傳以溴梁之會諸侯在而不曰諸侯大夫大夫
不臣也意趙武耻之豹云者恭也是其恭故不書氏
以見意也

秋公會宋人齊人伐徐

冬十有二月癸亥朔日有食之

二十有七年春公會杞伯姬于洮

註

伯姬莊公女洮魯

地○洮他刀反
本或作桃

夏六月公會齊侯宋公陳侯鄭伯同盟于幽

傳

同者有

同也同尊周也

疏

同者云云○釋曰同尊周也復
發傳者前同盟于幽諸侯尚有疑

製 複 許 不

NOT TO BE REPRODUCED

東京大学東洋文化研究所

者今外內同心推相為伯得專征伐於是而後授之

之任成九合之功故傳詳其事也

諸侯也其授之諸侯何也齊侯得衆也相會不致安

之也相盟不日信之也信其信仁其仁

釋曰謂諸侯信齊相之信仁齊相之仁下文未嘗有

軟血之盟是其信也未嘗有大戰是其仁也衣裳之

會十有一者謂從北杏至葵丘也論語稱九合諸侯

者貫與陽穀二會管仲不欲故去之自外唯九合也

兵車之會四者洮鹹也鄭玄釋廢疾云自柯之明年葵

二者征伐非會故也鄭玄釋廢疾云自柯之明年葵

立以前去貫與陽穀固已九合矣則鄭意不數北杏

自外與范注同也去貫與陽穀與猶數也言數陽穀

師所得為九也或云去貫與陽穀與猶數也言數陽穀

故得與齊相宋公盟為九故先師劉炫難之云貫與

陽穀並非管仲之功何得去貫而數陽穀也若以葵

丘之盟盟會異時而數為二則首戴之會亦可為兩

也離會不數鄆盟去公于結則唯有齊宋二國之會

安得數之二三之說竝無憑據故劉氏數洮會為九

以數洮會為九兵車之會又少其一故劉以傳誤解

之當云兵車之會三案洮會下亦無云兵車

之會則傳文不應兩處皆誤是亦可疑也

衣裳之

會十有一未嘗有軟血之盟也信厚也

北杏十四年會鄆十五年又會鄆十六年會幽二十

七年又會幽僖元年會榘二年會貫三年會陽穀五

年會首戴七年會寧母九年會葵丘

丁反本亦作榘寧如字又

音甯母音無又茂后反

兵車之會四未嘗有大戰也愛民也

信八年會洮十三年會鹹十五年會牡

丘十六年會淮於末年乃言之不道侵蔡伐楚者方書其盛不道兵車也此則以兵車會而不用征伐

音咸牡茂后反

秋公子友如陳葬原仲原仲陳大夫原氏仲字傳言

葬不言卒不葬者也外大夫例不書卒疏外大夫

釋曰葬亦不書止云例不書卒者以內大夫書卒尚不書葬况外大夫卒亦不書明不合書葬故云外

大夫例不書卒欲見不葬而曰葬諱出奔也言季

必不得書葬之意也反辟內難而出以葬原仲為辭難乃疏諱出奔

范知辟內難而出者公羊傳以夫人哀姜淫於二叔此上傳亦云子般卒而公子慶父出奔則慶父之

季子素知季子出則殊其文入則貴之稱季子明其無罪故知辟難也

杞伯姬來歸寧

莒慶來逆叔姬慶名也莒大夫也叔姬莊公女禮檀

弓記曰陳莊子死赴於魯魯人欲勿哭繆公召縣子

而問焉縣子曰古之大夫束脩之間不出竟雖欲哭

之安得而哭之今之大夫交政於中國雖欲勿哭安

得而勿哭則大夫越竟逆女非禮也董仲舒曰大夫

無束脩之餽無諸侯之交越竟逆女紀罪之繆音

玄竟音竟焉於虔反餽巨愧穆縣音傳諸侯之嫁子於大夫

反越竟本或作疆居良反

主大夫以與之註君不敵臣來者接內也不正其接
內故不與夫婦之稱也註接內謂與君為禮也夫婦

之稱當言送女○稱尺

杞伯來朝註杞稱伯蓋時王所絀○朝直遙反絀本
又作黜勅律反

公會齊侯于城濮註城濮衛地○濮
音卜

二十有八年春王三月甲寅齊人伐衛衛人及齊人戰

衛人敗績傳於伐與戰安戰也註問在何處戰○處
昌慮

反疏傳於伐云云○釋曰於伐與戰安戰也謂於伐
在衛國之都也知國都者若在他所則應云也今不
書也故知衛都耳猶桓十三年戰于龍門為近不地

相似戰衛戰則是師也其曰人何也微之也何為

之也今授之諸侯而後有侵伐之事故微之也其人

衛何也以其人齊不可不人衛也註齊桓始受方伯

之任未能信著鄰國致有侵伐之事貶師稱人以微

之也人不可以敵于師師不可以與人戰故亦以衛

師為人衛非有罪衛小齊大其以衛及之何也以其

微之可以言及也其稱人以敗何也疏其稱人以

曰據桓十三年戰稱人敗不以師敗於人也註人輕

而師重

夏四月丁未邾子瑣卒

瑣素禾反

秋荆伐鄭傳荆者楚也其曰荆州舉之也疏

荆州舉之也○釋曰

前書荆人來聘聘是善事故進之今伐中國不足可褒故州舉之也

公會齊人宋人救鄭傳善救鄭也

冬築微註微魯邑○微左傳山林藪澤之利所以與民

共也虞之非正也註虞典禽獸之官言規因而築之

又置官司以守之是不與民共何利也築不志凡志

皆譏也築例時○藪素十八年築鹿園此築邑置官司

云虞之非正也者彼直築園以虞之非正故再起傳例○

虞典至例時○釋曰周禮澤虞掌田獵之事左傳虞冠以招虞人是虞人典禽獸之官也知築不志凡志皆譏也者三十一年築臺于秦傳曰君子危之故謹而志之也知志則譏也此年與三十一年春築臺于即秋築臺于秦皆不書月是例時

大無麥禾傳大者有顧之辭也疏大者有顧之辭也

禾者謂一災不書待冬無禾然後并錄無麥故經稱大而傳云有顧之辭也顧猶待也徐邈云至冬無禾

於是顧錄無麥其意亦謂待無禾然後顧錄無麥故云大是也莊七年秋大水無麥苗此經不言大水者

彼傳云麥苗同時也是麥與黍稷之苗同時為水而死故繫大水言之此至冬始書大無麥禾則禾之死

未必由水旱是故不繫之徐邈云不言水旱者麥禾自死不由水旱是故或以為言無禾則大水可知故省

文若然七年何以不省文而言大水不言饑者舊解以為下傳云不書如為內諱則此不言饑是諱也或

當雖無麥禾得臧孫於無禾及無麥也一災不書

於冬無禾而後顧錄無麥故言大明不收甚

臧孫辰告糴于齊臧孫辰魯大夫臧文仲音狄傳國

無三年之畜曰國非其國也一年不升告糴諸侯告

請也糴糴也不正故舉臧孫辰以為私行也為內

諱故不稱使使若私行畜勅六反下同為內國無

九年之畜曰不足無六年之畜曰急無三年之畜曰

國非其國也諸侯無粟諸侯相歸粟正也臧孫辰告

糴于齊告然後與之言內之無外交也古者稅什一

宣十五年注詳矣稅始銳反什宣十五年

日彼傳云古者什一註云一夫一婦佃田百畝又受

田十畝以為公田公田在內私田在外此一夫一婦

為耕一百一十畝也八家共一井豐年補敗敗謂

之田餘二十畝者以為廬舍定也凶年不外求而上下皆足也謂君也下謂民

也雖累凶年民弗病也一年不艾而百姓饑年不

艾釋曰藁君子非之不言如為內諱也艾牛

信云艾獲也春新延廩二十九年春新延廩釋曰不言作者僖

有如其度也彼謂加其度更增大傳延廩者法廩也之故云作此直改新故不言作

周禮天子十二閑馬六種邦國六閑馬四種每廩

一閑言法廢者六閑之舊制也。○廢九又反六種

釋曰自每廢一閑以上周禮校人

有其事馬六種者彼校人云辨六馬之屬種馬一物

戎馬一物齊馬一物道馬一物田馬一物駕馬一物

是也鄭云玉路駕種馬戎路駕戎馬金路駕齊馬象

路駕道馬田路駕田馬駕馬給官中之役是天子六

種之馬分為左右廢故十二閑也彼又云邦國六閑

馬四種家四閑馬二種鄭玄云諸侯齊馬道馬田馬

各一閑駕馬則分為三大夫則田馬一閑駕馬分為

三是一天子十二閑馬六種邦國六閑馬四種也

其言新有故也

言改故而

新之有故則何為書也古之君人者必時視民之所

勤民勤於力則功築罕

罕希

民勤於財則

貢賦少民勤於食則百事廢矣

凶荒殺禮

冬築微春新延廢以其用民力為已悉矣○悉盡

夏鄭人侵許

秋有蜚○穀梁說曰蜚者南方臭惡之氣所生也象君

臣淫泆有臭惡之行

○亡如字

冬十有二月紀叔姬卒○紀國雖滅叔姬執節守義故

繫之紀賢而錄之

○賢而錄之

城諸及防○諸防皆魯邑

傳可城也○釋曰左氏之例城

有時與不時隱七年傳云凡城之志皆譏也此云可
城也者傳以得土工之節者則譏之淺失土功之時
者責之深故傳云可城也
不謂此城無譏也
以大及小也
傳例曰凡城
之志皆譏今云可者謂冬可用城不妨農役耳不謂
作城無譏

三十年春王正月

夏師次于成傳次止也有畏也欲救鄆而不能也不言

公恥不能救鄆也
傳畏齊
音章

秋七月齊人降鄆傳降猶下也鄆紀之遺邑也
江反下

還嫁

八月癸亥葬紀叔姬傳不日卒而日葬閔紀之亡也

九月庚午朔日有食之鼓用牲于社
傳救日用牲既失

之矣非正陽之月而又伐鼓亦非禮

冬公及齊侯遇于魯濟
傳濟水名
禮反
及者內為

志焉爾遇者志相得也
傳及者至得也
釋曰重

候異

齊人伐山戎傳齊人者齊侯也其曰人何也愛齊侯乎

山戎也
傳不以齊侯敵乎山戎故稱人其愛之何也

桓內無因國外無從諸侯而越千里之險北伐山戎

危之也

內無因緣山戎左右之國為內間者外無

諸侯者不煩役寮國

○從才用反內間間廁之間

則非之乎善之

也

遠伐山戎雖危勤王職貢則善何善乎爾燕周

之分子也

燕周大保召康公之後成王所封分子

謂周之別子孫也

○燕音烟註及後同分扶問反又如字本或作介音界大音泰召上

照

○燕周至孫也○釋曰燕是召康公之後成王

反

○燕與周同姓故知

孫也 別子 貢職不至山戎為之伐矣

言由山戎為害伐

擊燕使之隔絕於周室

○為之如字

三十有一年春築臺于郎

築臺于薛

六月齊侯來獻捷

○捷在接反戎獻下奉上之辭也春秋尊魯故

言使內與同不言使也

○秦曰齊桓內救中國外攘

夷狄親倚之情不以齊為異國故不稱使若同一國

也 ○攘如羊反倚於 獻捷軍得曰捷戎殺也

○齊侯至救也○釋曰徐邈云齊還經魯界故

內之也 ○使人獻捷不入國都而言來獻敬重霸主親而

雖不注理亦合當然矣 ○僖二十一年楚人使宜申來

獻捷彼亦稱來者宜申止來卿魯按公行禮故得稱
來與齊侯異也又云不言使內與同者謂內齊侯與
同一國故不稱使也戎菽也者舊解謂順經意而惜
齊侯故傳依違其文釋之為菽其實宋是中國故捷
不繫國戎是夷狄故繫之戎也案管子云出戎菽及
冬葱布之天下則以戎為豆也故徐邈云今之胡豆
也舊解以為依違其文恐失傳旨僖二十一年傳云
其不曰宋捷何也不與楚捷于宋也范云據莊三十
一年齊侯來獻戎捷據波傳及注意則似不以戎為
豆今疑不敢正故兩載之此書月彼不書月者徐邈
云霸王服遠之功重故詳而月之也一解齊侯此時
克山戎并得胡豆來故傳云戎菽謂克戎之菽齊侯
此時并得戎菽
於文亦僻也

秋築臺于秦秦魯地傳不正罷民三時虞山林藪澤
之利且財盡則怨力盡則對對恚恨也○罷音皮
下同懃直

類反君子危之故謹而志之也或曰倚諸相也相外

無諸侯之變內無國事越千里之險北伐山戎為燕

辟地註辟開為于偽反魯外無諸侯之變內無國

事一年罷民三時虞山林藪澤之利惡內也註譏公

依倚齊相而與相行異惡烏路反

冬不雨註冬不雨釋曰徐邈云僖十一年傳曰雩

范意亦未必然或當不言旱不為災也

三十有二年春城小穀註小穀魯邑

夏宋公齊侯遇于梁丘傳遇者志相得也註遇者志

釋曰重立傳者外與伯者遇嫌異故發之梁丘在曹邾之間去齊八百里非不能從諸侯而往也辭所遇遇所不遇大齊桓也

註辭所遇謂八百里間諸侯必有願從者而不之遇所不遇謂遠遇宋公也○能從才用反或如字注同

秋七月癸巳公子牙卒**註**牙慶父同母弟何休曰傳例

大夫不日卒惡也牙與慶父共淫哀姜謀殺子般而日卒何也鄭君釋之曰牙莊公母弟不言弟其惡已見不待去日矣甯案傳例諸侯之尊弟兄不得以屬通蓋以禮諸侯絕其而臣諸父昆弟稱昆弟則是申

其私親也宣十七年公弟叔肸卒傳曰其曰公弟

肸賢之也然則不稱弟自其常例耳鄭君之說某所

未許○見賢偏反去起呂**註**甯所未詳○釋曰范

詳者范以僖十六年傳稱公弟叔仲賢也大夫不言

公孫疏之也若牙實有罪則應去公子以見疏


今書公子故云未詳也或申鄭君義云牙不去公子

為親者諱然則鄭意若以為諱何得云其惡已見是

八月癸亥公薨于路寢**註**公薨皆書其所謹凶變**傳**路

寢正寢也寢疾居正寢正也男子不絕于婦人之手

以齊終也**註**齊絜○齊側皆反**傳**以齊終也○釋



故記稱齋之為言齊也。是齊齋意同。故范訓為繫。或古者齊齋同字。此傳齊即讀為齋。理亦通也。

冬十月乙未子般卒。在喪故稱子般其名也。莊公大

子不書弑諱也。服音班。傳云其稱子般卒何也。

君存稱世子君薨稱子某。既葬稱子。踰年稱公。范意亦與之同。但踰年雖在國稱公。若未葬亦不得稱侯。

以接鄰國故。桓十三年注云。今衛宣未葬而嗣子稱侯。以出其失禮明矣。是其事也。子般不書葬者。未踰

年之君例不書葬也。傳子卒日正也。襄三十一年秋。故子野不書葬也。

九月癸巳子野卒是也。不日故也。文十八年冬十

月子赤卒是也。有所見則日。閔公不書即位是見

繼弑者也。故慶父弑子般。子般可以日卒。不待不日

而顯。賢編反。見則。

公子慶父如齊。公子慶父如齊。釋曰。牙與慶父

者。左氏公羊皆以為牙欲廢股。立慶父。故季子鳩殺

之。穀梁不見季子歸魯之文。亦無鳩牙之事。則叔牙

被殺以不傳。此奔也。其曰如何也。據閔二年慶父

奔莒不言如諱。莫如深深則隱。深謂君弑賊奔隱

痛之至也。故子般日卒。慶父如齊。諱莫如深。

謂為國隱諱。莫如事之最深。深者則隱。深謂君弑賊

奔之深。重以其深。重則為之隱。諱若經書子般日卒

慶父如齊是也。苟有所見。莫如深者。謂經意誠有所

見。莫如事之深者。不書閔公即位。是事之深也。有所

見。謂子般之弑。苟有所見。莫如深也。閔公不書即

位見子般之弒慶父出奔

狄伐邢

閔公

疏魯世家閔公名開莊公之子惠王十六年即位諡法在國逢難曰閔世本作啓方辟

漢景帝諱啟為開也

元年春王正月**傳**繼弒君不言即位正也

疏正也。繼弒至

曰復發傳者以非父非君嫌異故發之僖公又發之者兄之後弟義異故重發之文公繼正之始故發傳以明之成公不發傳者蒙之可知故不發也襄昭發傳者昭公即位承子野之卒嫌其非正故發傳以明之昭繼子野傳言繼正嫌襄公與之異故亦發傳父子同有繼正之文所以相發明也或以襄非嫡夫人之子嫌非正故發傳案襄四年夫人嬖氏薨彼注去或公夫人襄公母也明非為母賤而發傳也

之非父也

疏兄也尊之非君也

疏未踰年也繼之如

君父也者受國焉爾

齊人救邢**傳**善救邢也

疏善齊相得伯之道

夏六月辛酉葬我君莊公**傳**莊公葬而後舉諡諡所以

成德也

疏諡所以成德。釋曰復發傳者相公被殺莊公好終僖公葬緩嫌異禮故各發傳

以明於卒事乎加之矣

秋八月公及齊侯盟于洛姑

疏洛姑齊地

○洛姑一作路姑**傳**

盟納季子也

季子來歸

疏季子來歸。釋曰傳云貴之也者不稱公子者公子是凡常之總號季子忠賢為

國人所思故稱子所以表其賢也傳其曰季子貴之也大夫稱名

氏今日子是貴之也子男子之美稱尺謚反其曰來

歸喜之也註大夫出使歸不書執然後致不言歸國

內之人不曰來今言來者明本欲遂去同他國之人

也言歸者明實魯人也喜之者季子賢大夫以亂故

出奔國人思之懼其遂去不反今得其還故皆喜曰

季子來歸使所夫大夫至來歸釋曰此云大

父還自晉書者彼傳云還者事未畢也是還與歸意

異也執然後致不言歸者意如與媿是也國內之人

不言來下文齊仲孫言來者

以其外之曰齊故得言來也

齊仲孫來傳其曰齊仲孫外之也魯絕之故繫之

于齊左氏以為齊大夫其不目而曰仲孫疏之也

不目謂不言公子慶父其言齊以累栢也繫仲孫

於齊言相客赦有罪累劣其言齊以累栢也

仲孫有二種意故上文以外慶父釋之此又以累栢

言之慶父魯人而繫之於齊是外之也齊栢客赦有

罪故繫慶父於齊是惡之也

二年春王正月齊人遷陽

夏五月乙酉吉禘于莊公三年喪畢致新死者之主

於廟廟之遠主當遷入太祖之廟因是大祭以審昭

穆謂之禘莊公喪制未闕時別立廟廟成而吉祭之

不於大廟故諱書以示譏○禘徒帝反大祖音泰下

反疏立宮而不稱宮者莊公廟雖立訖而公服未除

至此始吉以非之文三年亦喪服未終而大事者秋禘

未終不言吉者其譏已明故不復云吉言大事者秋禘

而物成其祀大故傳云大是事也著禘是也凡祭

以禮成其祀大故傳云大是事也著禘是也凡祭

僖禘大廟五也文著禘六也宣公有事七也昭公

禘武宮八也定公從祀九也知禘是三年喪畢之祭

者此莊公薨未二月於大廟是也其禘之月王肅六月以

畢方得為也知必於大廟是也其禘之月王肅六月以

禘禮祀周公於大廟是也其禘之月王肅六月以

禘禮祀周公於大廟是也其禘之月王肅六月以

禘禮祀周公於大廟是也其禘之月王肅六月以

禘禮祀周公於大廟是也其禘之月王肅六月以

禘禮祀周公於大廟是也其禘之月王肅六月以

禘禮祀周公於大廟是也其禘之月王肅六月以

祭故非之也註莊公薨至此方二十二月喪未畢

秋八月辛丑公薨傳不地故也其不書葬不以討毋葬

子也註凡君弑賊討則書葬哀姜實被討而不書葬

者不以討毋葬子

九月夫人姜氏孫于邾註哀姜與弑閔公故出奔

音遜



本或作遜與音豫傳孫之為言猶孫也疏傳孫之為言猶孫者

文姜殺夫哀姜殺諱奔也子嫌異故重發之

公子慶父出奔莒傳其曰出絕之也慶父不復見矣註

慶父弑于般閔公不書弑諱之見賢編反疏傳其

見矣釋曰宣十八年歸父奔齊范注云竟外故不言出是竟內言出理之常也而云絕之也者慶父前

奔不言出書曰如齊為之隱諱是不絕其位之辭今

不諱言奔明是絕其位也又云慶父不復見者明弑

二君罪重不宜復見故特顯之矣

冬齊高子來盟傳其曰來喜之也其曰高子貴之也盟

立僖公也不言使何也註據桓十四年鄭伯使其弟

禦來盟言使禦魚呂不以齊侯使高子也註齊侯

不討慶父使魯重罹其禍今若高子自來非齊侯所

得使也猶屈完不稱使也江熙曰魯頻弑君僖公非

正也桓公遣高侯立僖公以存魯魯人德之不名其

使以貴之貴其使則其主重矣重直用反屈君勿

反下疏傳其曰至子也釋曰來者自外之常稱而

同疏云喜之者時魯二君見弑諸侯無一助之者

而高子盟以存之此之餘使情實過倍故傳序經之

情明與凡常之來有異也云不以齊侯使高子也者

二說不同者前說以齊侯不討慶父使魯重遭其禍

若不齊侯使高子故作自來之文所以歸美於高子

使所以歸功於屈完也江熙之意以君臣一體好惡

同之使貴則主尊故去使文以表高子之貴
高子既貴則桓公之重益彰故不從前說也

十有二月狄入衛傳公二年城楚丘以封衛則衛為

狄所滅明矣不言滅而言入者春秋為賢者諱齊桓
公不能攘夷狄救中國故為之諱為賢于偽反
下同攘如羊反

鄭棄其師團惡其長也兼不反其眾則是棄其師也團

長謂高克也高克好利不顧其君文公惡而遠之不
能使高克將兵禦狄于竟陳其師旅翔翔河上久而
不召眾將離散高克進之不以禮文公退之不以道
危國亡師之本惡其鳥路反注同長丁文反兼戶
謙反又如字好呼報反遠于萬反將


子區反竟音團惡其至師也釋曰解經拈棄
不反其眾故經團之意為惡高克不顧其君又責鄭人
書鄭棄其師也

春秋穀梁註疏莊閔公卷第六





所
圖
書



不 許 複 製

NOT TO BE REPRODUCED

東京大学東洋文化研究所